

民食之請具奏于

天欲得行下田租兼界炎火以去螟螣之患

又請肅將

天威以彰郡侯既叩驚化之誠

帝以予奏懇切特賜俞允於是陰雲盡合電

雷以風蝗即盡得一郡有秋農夫胥慶官吏

立予專祠以彰神既咸淳丁卯春旱不雨農

業失時萬民咨嗟戶口渙散峽之郡丞程生

叔光以太守赴京攝行郡事深致其憂於是

重立玄功自破已俸一再禱祈峽之神祇皆

為感格以告于予予以開化分野有所不鮮

又以程生誠交念身幽顯貫徹為宣九天之

命救五龍之水曲施兩澤數日而足自是農

耕不失而民業始安及至夏秋蟲蝗復作聞

為苗害蓋以向者戒教里社俾護物命後緣

以峽民未知神化殺傷之俗猶習猶舊餘殃

未除而非氣感召故也而程生於不覩不聞

之間悟有感有應之理密奏投誠假托歸叩

予遂達其詞旨示以未悟錄其真懇飛章奏

聞夜兩天一之水雨洗冥漠之靈盡赫秋陽

之威一去蠱賊之害於是因人感事呼驚載

筆書研蝗之化警殺生之人附于化籍播本

宣傳于以彰郡丞至誠贊化之功予以挽回

氣化以成歲熟之效庶關之者足以戒焉是

歲秋七月既望再書于侍生安節野人杜南

強所事之驚壇

二十八

梓潼帝君化書卷之四

正一天師清微弟子百堅製作



道教學術資訊網站

清微仙譜序

敬一

道在太極之先何謂也未嘗有天地已有太極

其容有先乎吾聞之經曰无名天地之始始

也者豈非先天地而有者乎今夫日月之

往來風雨之散潤雷霆之鼓動人知其為天

之造化而不知其為是道之功用也嗟夫使

是道之功用一息而不運乎其間則天之造

化息矣易不云乎大哉乾元萬物資始乃統

天又曰先天而天弗違天且弗違而況於人

乎況於鬼神乎而是道之秘始不容於不洩

矣故其傳始於元始二之為玉晨與老君又

再一傳衍而為其元太華關令正一之四派

十傳至昭凝祖元君又復合于一繼是八傳

至混隱真人南公公學極天人仕宋為顯官

遇保一真人授以至道遂役鬼神致雷雨動

天使陟仙曹晚見雷因黃先生奇之悉以其

書傳焉先生覃思著述闡揚宗旨而其書始

大備凡有祈禱若持左券而能不動聲色以

取償責報於渺茫冲漠之中弗爽毫刻何其

神也一時王公大人爭欲羅致四方來受學

(105)A 正 14-6

者以千數或窺一斑或割半甲驟加試用靡不策效然先生實其書不屑以授人故學者浩浩鮮觀大全之秘近膺詔命入覲得旨還山予始獲登先生之門每燕暇從容與論道妙必極反復雖子際遇於先生為最後而受教於先生為最深間一日語予曰某老矣閱人多矣未有默識心通篤信力行能如子者此殆天授非人力也因悉出所受南公書以授之采拜受之日私竊自誓曰采雖晚出先生之門能淑先生之教今又獲先生之書敢不廣其傳俾千劫之下有目者咸獲爭先快覩不更復有望蓬萊隔弱水之歎敬錄諸堅持嘉與四海有志之士共之因為之說曰是道也原之於其始固已先天地而有要之於其終又將後天地而存嗚呼其行與之俱傳於無窮矣至元癸巳純陽月純陰日建安後學陳采焚香拜手謹書

清微仙譜

清微道宗

元始上帝至真大道无形无名虛无自然萬化之祖執得而言昔浩劫之先凝炁成象露至玄至妙之藍錫

玉宸道君後名妙玄經應化玉冊秘於清玄玉英之館道君即太易元炁之應運高拱上清教弘至道體至極至靈為玉式符而授於

清微真元妙化天帝名迹慈應運關圖教天佐極高居太漠洞妙自然恢張萬範與道長存秦時降祁國都洞妙保化宮清微妙化府一名元始萬化宮妙化府帝狀青衮服

九天妙道真運元君楊微元君乃元始一炁之化身青首被髮龍體乘流火出入三界號雷霆樞轄之神秦時降河中府都九天長原宮後教弘大道運玄妙經授
九天洞明元君許齡卿元君秦時降劍州鳳日月眉鬢髮如二三十歲人衣綠衣常執

玉冊與道混融神變異則居九天洞清育玄宮以玄都玉梵發而為章授

玉瑩天山真人朱軒真人秦東京人美鬚面白虎眉因周室將微世適混亂入閬州拜許元君證道登真居金華山太清宮鳳凰

閣玄靈宮後以雷元振光之章授
太玄青惠招化扶桑真君卜真真君頂綠王之冠面色瑩白如玉隨州人也因秦亂避

患入閬州拜朱真人潛虛道妙位證太玄真人居角亢二星之中昭靈府以大道无量元光玉符授

昭凝神耀保天道化元君廣洛元君降秦時鄭州人於歲亂離入西京城得玉符之妙會道凝玄漢高皇帝後於河南府昇真居海上神州神耀府以玉英寶章授

明清道華元君丘沐元君漢初壽州人得寶章之旨總萬炁而會天昌居太上左宮都曠平府後以道樞授

秦明清惠真人師復真人漢代人也乃東華大帝化身神執持連體天運道都龍丘山